

նութեան ժամանակին և խստութեան այլազգեաց և քրիս-
 տոնէից՝ համարեութեամբ և բազմափաստակ ճգամբ շինեալ
 նորոգեաց զվանս Ս. Փրկչի և Հրեշտակապետի, և ամրա-
 ցոյց զնոսա յամենայն կողմանց. բազմացոյց զսենեակս 'ի
 պէտս միաբանաց. բազմացոյց զկրօնաւորս կարգեալ 'ի վե-
 րայ նոցա հոգեւոր տեսուչս, և սահմանեաց կրօնաւորա-
 կան կարգօք կալ 'ի սլաշտօն յառարանութեան Աստու-
 ծոյ. օրհնել զԱստուած, զտուիչն ամենայն բարեաց, և
 զբովանդակ ազգն, որք ձեռնտու եղեն առատութեամբ
 յամենայն գործաւնութիւնս նորին: Նորոգեաց նաեւ ըզ-
 վանս Ս. Յակոբայ, շինեալ 'ի նմա նորանոր սենեակս եւ
 օթեւանս 'ի պէտս ուխտաւորաց, և զարդարեաց զեկեղե-
 ցին ոսկեղէն և արծաթեղէն զարդուք. ծանրագին զգես-
 տուք և սպասուք յօրինեալ պատուական ակամբք և մար-
 դարտովք՝ և ձեռագիր մատենիւք: Ապա ձեռնարկ նորո-
 գել զվանս Բեթղեհէմի՝ շինեաց զեկեղեցի յանուն Սուրբ
 Աստուածածնի, ընդարձակեաց զսենեակս 'ի պէտս ուխ-
 տաւորաց, և զխանն 'ի ներքոյ վանաց, եմոյծ գրեթե
 ջրհորոյն 'ի ներքս բազում նեղութեամբ, ծախեալ յո-
 լով ինչս 'ի դրունս այլազգեաց և տարտեաց զամենայն
 շինուածոն, յորս ինքն անձամբ աշխատէր ընդ մշակաց,
 կրելով զշաղախս և զքարինս: Սակայն 'ի վերոյ այսր ա-
 մենայնին ոչ կարաց զերծանիլ 'ի դառնութեանց և 'ի զղուա-
 նացն Արաբացւոց. զի թէպէտ բազում անգամ բերեալ էր
 հրովարտակ յԱրքայէ, և գիր 'ի կուսակալէն Դամասկոսի՝
 սակս շինուածոց, այլ դատաւորք և այլազգիք ելանէին
 'ի քննութիւն և տային հրաման շինելոյ, և յետ աւուրց
 ինչ պէս պէս պատճառանօք խափանէին զգործն՝ և պա-
 հանջէին զգումարս գրամոց. Գրիգոր Պատրիարք չեւ եւս
 հաճեալ զկամս այլազգեաց երուսաղէմի, ելանէր առաջի
 նորա այլ իմն խոչ գժնդակ, զի կամ վայրագ Արաբացիք
 յառնէին 'ի վերոյ նորա՝ և կամ կուսակալք Դամասկոսի,
 և պահանջէին 'ի նմանէ բազում ինչ, թէպէտ նա ցուցա-
 նէր զհրամանս Արքային, այլ չէր ինչ փոյթ նոցա. Թո-
 զումք ասել զյայտնի և զգաղտնի թշնամութիւնս Յունաց
 և Լատինաց, զանվերջանալի վէճս և զգժտութիւնս նոցին՝
 զորս ունիմք տօնիս ին պատմել: Այսպէս անտանելի նե-